



Broj: 11-11-2-2475-6/26
Datum: 21.07.2026. godine

Na osnovu člana 41. stav (1) Zakona o unutrašnjim poslovima Federacije Bosne i Hercegovine („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2026. godinu, direktor Federalne uprave policije, d o n o s i

O D L U K U
o poništenju postupka javne nabavke
„Nabavka laboratorijske opreme – TLC kabinet - LOT 6“

I.

Prihvata se prijedlog Komisije za provođenje konkurentskih i pregovaračkih postupaka nabavke, te se poništava postupak javne nabavke „Nabavka laboratorijske opreme – TLC kabinet - LOT 6“, u skladu sa članom 69. stav (2) tačka d) Zakona o javnim nabavkama.

II.

Za izvršenje Odluke zadužuje se Sektor za finansije i javne nabavke.

III.

Odluka se objavljuje na internet stranici Federalne uprave policije, u skladu sa članom 70. stav (6) Zakona o javnim nabavkama.

IV.

Odluka stupa na snagu danom donošenja.

O b r a z l o ž e n j e

Federalna uprava policije je provela konkurentski postupak javne nabavke „Nabavka laboratorijske opreme – TLC kabinet - LOT 6“, broj Obavještenja o javnoj nabavci: 1412-7-1-151-3-143/26 od 09.06.2026 godine.

Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke za LOT 6 iznosi 6.410,25 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki za 2026. godinu, broj Rješenja o imenovanju: 11-11/4-30-2-1432 od 30.12.2025. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o poništenju postupka data u skladu sa Zakonom o javnim nabavkama i tenderskom dokumentacijom.

Na osnovu Zapisnika o ocjeni i pregledu ponuda evidentno je da je Komisija blagovremeno i pravilno izvršila otvaranje ponude i ocjenu kvalificiranosti ponuđača o čemu je sačinjen odgovarajući zapisnik, u kojem je utvrđeno da je blagovremeno zaprimljena jedna (1) ponuda, i to od ponuđača MIKRO + POLO d.o.o. Sarajevo, te da nije bilo neblagovremeno zaprimljenih ponuda.

Uvidom u zaprimljenu ponudu, od strane Komisije je utvrđeno da je ponuda ponuđača MIKRO + POLO d.o.o. Sarajevo u iznosu od 33.000,00 KM bez PDV-a odnosno 38.610,00 KM sa PDV-om neprihvatljiva, jer prelazi planirana odnosno obezbjeđena novčana sredstva ugovornog organa za nabavku (procijenjena vrijednost nabavke za LOT 6 iznosi 6.410,25 KM bez PDV-a).

S tim u vezi, a shodno članu 2. Zakona o javnim nabavkama, od strane Komisije je data preporuka ugovornom organu da se poništi postupak javne nabavke „Nabavka laboratorijske opreme – TLC kabinet - LOT 6“, jer ponuda ponuđača MIKRO + POLO d.o.o. Sarajevo prelazi planirana odnosno obezbjeđena novčana sredstva ugovornog organa za nabavku.

Na osnovu naprijed navedenog, a primjenjujući odredbe člana 69. stav (2) tačka d) Zakona o javnim nabavkama, odlučeno je kao u dispozitivu odluke.

Pouka o pravnom lijeku: Protiv ove odluke može se izjaviti žalba ugovornom organu, Federalnoj upravi policije, u roku od pet (5) dana od dana prijema ove odluke.

**DIREKTOR
GLAVNI GENERALNI INSPEKTOR POLICIJE**

Igor Marić



DOSTAVITI:

- Sektor za finansije i javne nabavke,
- a/a.-